



Publicaziuns officialas dils 30-04-2010

Radunonza da vischnaunca

venderdis, ils 7 da matg allas 20.00 uras en casa da scola a Rabius

Gliesta da tractandas

1. Avertura e beinvegni
2. Elecziun da 2 dumbravuschs
3. Approbaziun dil protocol dalla davosa radunonza communal dils 17-12-2009
4. Tractaziun ed approbaziun dil project adattaziun Casa s. Martin per mauns dalla votaziun all'urna
5. Orientaziuns
6. Varia

Ils documents tier tractandas 4 san vegnir retratgs sin canzlia.

PS: Dil protocol dalla radunonza communal dils 17-12-2009 sa vegnir priu investa sin canzlia communal durant las uras da spurtegl. Avon radunonza ei il protocol ultra da quei exponius per investa. Il protocol sa era vegnir abonnaus per la summa da frs. 25.00 per onn tier l'administraziun communal.

Sumvitg, 30-04-2010

Suprastonza communal

Preavis radunonza communal

La radunonza communal da quen ha liug **mardis ils 15-06-2010** allas 20.00 uras ella casa da scola a Sumvitg. Nus supplichein da reservar quei termin.

Sumvitg, 30-03-2010

Suprastonza communal

Plan dalla vischnaunca

Naven dad immediat ei il plan da vias dalla meglieraziun funsila integras el plan dalla vischnaunca sin nossa pagina d'internet. Aschia vegn dau la pusseivladad a convischinas e convischins da s'informar sur dil stand dallas lavurs vid las vias dil project dalla meglieraziun funsila.

Sumvitg, 30-04-2010

Administraziun communal

Elevaziun da structuraz agricolas 2010

Dumbraziun d'animals 2010

Quella ha liug **mardis, ils 4 da matg 2010**. Ils dumbraders supplicheschan tuts possessurs d'animals d'esser contonschibels quei di e d'haver semtgau il diember d'animals ch'els possedan tenor la gliesta da TVD. Menaschis novs ston vegnir annunziats al gerau d'agricultura.

Formulars cultivaziun da funs

Ils formulars per la cultivaziun da funs obtegn mintgin il di dalla dumbraziun da tiers. Nus supplichein da controllar els e far ponderaziuns per novas annunziats. Impurtont ei d'annunziar novas cultivaziuns e novas parcelas sco era cultivaziuns ecologicas. Quellas annunziats valan sco basa pils pagaments dallas contribuziuns.

Correcturas vid ils formulars vegnan fatgas entras il gerau d'agricultura. Nus supplichein da buca far sez talas. Per exequir quella lavur havein nus fixau

gievgia, ils 6 da matg 2010 e venderdis, ils 7 da matg 2010 (stanza da seduta sper la canzlia communal)

dallas 09.00 entochen 12.00 uras

dallas 13.00 entochen 16.00 uras

Pils purs che adempleschen lur obligaziuns d'annunzia sur il portal digl internet han d'avisar il cau dil departamentcommunal d'agricultura sur dall'execuziun cun inoltrar il formular suttascret entochen ils 7 da matg 2010.

Nus supplichein Vus da setener vid quellas directivas e da risguardar il termin fixau.

Sumvitg, 30-04-2010

Departament communal d'agricultura

Uffeci dil stadi civil Cadi

Mortori

Maissen-Soliva Maria Antonia, naschida ils 27-08-1921, morta ils 21-04-2010, stada sesent a Surrein, Planatsch 386A.

Sumvitg, 30-04-2010

Controlla da habitonts Sumvitg

1. e 2. reala/secundara Sumvitg: Preavis

L'emprescha e la secunda reala/secundara Sumvitg envidan tuts interessats allas presentaziuns da lur musical «**Dave**» che han liug **venderdis, ils 21 da matg e sonda, ils 22 da matg** (cun stiva da caffè) mintgaga allas 20.00 en casa da scola a Sumvitg. Cordial beinvegns **1. e 2. reala/secundara Sumvitg cun lur scolastas e scolasts**

Uniuns da dunnas dalla vischnaunca Sumvitg

Caras commembras

Nus s'entupein danovamein **venderdis, ils 7 da matg** per far caltschiel ell'ustria Greina a Surrein allas 13.30. Tuttas ein beinvegnidas! Cordials salids *las suprastonzas*

Uniun da dunnas Sumvitg/Cumpadials

Preziadas senioras, prezias seniors dalla pleiv!

La Casa s. Giusep Cumpadials ensemen cun l'uniun da dunnas envidan Vus ad in survetsch divin cun s. Uncziun ils **11 da matg 2010** allas 15.30 en Casa s. Giusep. Silsunter porscha la casa a Vus ina pintga tscheina. Fagei aschi bien e s'annunziei entochen ils **8 da matg** tier Marianna Monn (tel. 081 943 19 82). Cordials salids *la suprastonza*

Uniuns da dunnas dalla vischnaunca da Sumvitg

meinan atras il suandont cuors:

Cuors: Fotografar cun camera digital

Vul dir: Emprender d'enconuscher l'atgna camera cun lur funcziuns e l'elavuraziun dil maletg digital

Menadra: Alexandra Guldemann

Liug: Studio da fotografias Trun

Cuoz: 3 seras

Datums: Mardis, ils 11, ils 18 ed ils 25 da matg

Temps: 19.00–21.00

Nus spitgein Tia annunzia per quei cuors tochen venderdis, **ils 30 d'avrel**.

Annunzias per Sumvitg:

Alice Tuor, tel. 081 943 23 48

Annunzias per Rabius:

Jasmine Cajacob, tel. 081 943 15 04

Annunzias per Surrein:

Maja Deplazes, tel. 081 943 23 91

Preavis: Proxim cuors da bischutaria d'argien (anials e pendarletgs) ei sonda, ils 5 da zercladur 2010.

Societad da tir Vial Sumvitg

Tir obligatori 2010

La Societad da tir Vial Sumvitg envida al tir obligatori il suandonts termins:

Anzeinza, ils 13 da matg 2010 dallas 17.00–20.00

Dumengia, ils 29 d'uost 2010 dallas 18.00–20.00

Adatg! Tiradurs obligai ston presentar il camond da tir sco era il cudisch da sittar, resp. il carnet da prestaziun. Quei tir sa sulettamein vegnir sittaus mo quels dus dis. A tuts in bien siet gia ordavon e sin seveser a Plaun Petschen. *Societad da tir Vial Sumvitg*

Tiaratriembel a Haiti

La spindrera Marlies Vincenz da Vella raquenta da sia expediziun humanitara en in spital campester a Haiti. **Mardis, ils 11 da matg 2010 allas 20.00 en casa da scola a Sumvitg.** Cordialmein envida *la cumissiun da cultura Sumvitg*

Uniun da tratga da biestga Cadi

Exposiziun districtuala a Trun

Mira sut Trun.

Club da tennis Trun
Cuors da tennis per carschi
Mira sut Trun.

Biblioteca Trun
Mira sut Trun.

Biblioteca populara, Mustér
Mira sut Disentis/Mustér.